



Uunga siunnersuut: Inuit Pisinnaatitaaffii pillugit Siunnersuisoqatigiit pillugit Inatsisartut inatsisaat nr. xx, xx. xxx 2018-imeersoq

(Peqqissutsimut Ilisimatusarnermullu Naalakkersuisoq)

(Siullermeerneqarnera)

Maani nunatsinni kikkut tamat oqartussaaqataanerat tunngavigalugu inuuvugut politiinik persuttaasunik misigisaqassanata aamma aqqusinerni sakkutuunik angalaartunik takussanata. Uangutsinnut pissusissamisuuginnarpoq tamanna nunarsumili sumiiffinni allani taamaattoqanngilluinnarpoq.

Tamanna tunngavigalugu Demokraatini qularutiginnngilluinnarparput inatsit manna pisarput pigisariaqaripput. Inuit Pisinnaatitaaffii inuiaqatigiinni demokrati tunngavigalugu ingerlasuni tunngavinnut ilaapput aamma taamaattumik ullut tamarluinnaasa ukioq kaajallallugu paarilluartariaqarpagut.

Pivagut meeqqat pisinnaatitaaffii, arnat pisinnaatitaaffii, utoqqaat pisinnaatitaaffii, innarluutillit pisinnaatitaaffiit aamma allarpasuit taagorsinnaagaluarpakka.

Pingaaruteqarpoq taasama allallu tamarmik tunngaviusumik pisinnaatitaaffiinik ataqqinnittumi nunami inuuginnarnissarput.

Herhjemme lever vi i et demokrati uden politivold, uden statslig tortur og uden militær i gaderne. For os er det naturligt, men sådan er det bestemt ikke alle steder i verden.

Manna inatsit ilaatigut pissutigalugu Nunatsinni Inuit Pisinnaatitaaffii pillugit Siunnersuisoqatigiit namminneq allaffeqalissapput Naalakkersuisunut attuumassuteqanngitsumik. Demokraatini isumaqarpugut tamanna alloriarnerusoq pingaarutilik qitiusumik pissaanermik tigumminnittunit avissaarsimanissaq taamaasillutalu qularnaarlugu Siunnersuisoqatigiit arlaannaannulluunniit attuumassuteqannginnissaat.

Aamma kusanartutut isigaarput Siunnersuisoqatigiit periarfissaqassammata namminneq ingerlatsinermik akilersornissaanut suliffeqarfinnut, peqatigiiffinnut allanullu kattuffimmut namminersortunut aningaasassarsiorarsinnaanissaa. Siunnersuisoqatigiit Namminersorlutik Oqartussanit aningaasalersorneqarnerat minnerpaatikkuksigu qularnaassavarput Siunnersuisoqatigiit annerpaamik arlaannaannulluunniit attuumassuseqanngitsutut isikkoqarnissaat.

Naggataatigut Demokraatini oqaatigissavarput tapersorsoratsigu Siunnersuisoqatigiinni ilaasortat



15-niik 13-nut ikilisinneqarnissaat taamatullu Meeqqat Illersuisuata, Innarluutillit Illersuisuata aamma Naligiisitaanermut Siunnersuisoqatigiit siulittaasuata aalajangersimasumik Siunnersuisoqatigiinni ilaasortaassammata.

Taamatut oqaaseqarluta siunnersuut taperserparput innersuullugulu Inatsisinik Atuutsitsinermit Ataatsimiititaliamut.